




DALAM NEGERI

Pematuhan Akta Kualiti Alam Sekeliling Kilang Sawit, Kuari Kurang Memuaskan

, 1 week ago

🕒 2 min

IPOH, 16 Nov – Kadar pematuhan terhadap Akta Kualiti Alam Sekeliling 1974 oleh syarikat yang menjalankan aktiviti pemprosesan minyak sawit serta kuari di Perak masih berada pada tahap yang kurang memuaskan.

Pengarah Jabatan Alam Sekitar (JAS) Perak, Rosli Zul berkata ini kerana berdasarkan kepada penguatkuasaan yang dijalankan sejak tahun lalu hanya 50 peratus daripada 45 syarikat pemprosesan minyak sawit di seluruh negeri mematuhi akta berkenaan.

“Untuk industri kuari, berdasarkan rekod, daripada 136 syarikat yang menjalankan aktiviti berkenaan, hanya 36 mematuhi Akta Kualiti Alam Sekeliling 1974.

“Pada masa sama, terdapat 76 syarikat kuari yang mempunyai kelulusan Laporan Penilaian Alam Sekitar (EIA) di seluruh perak. Daripada jumlah itu, hanya 60 peratus sahaja yang mematuhi akta sama,” katanya.

Beliau berkata demikian pada sidang media Simposium

Kuari Dan Kilang Kelapa Sawit Lestari Sempena Hari Alam Sekitar Negara (HASN) 2021 Peringkat Negeri Perak di sini pada Selasa.

Program berkenaan dirasmikan Pengerusi Jawatankuasa Kesihatan, Sains, Alam Sekitar Dan Teknologi Hijau Negeri, Mohd Akmal Kamarudin.

Sementara itu Rosli memberitahu, susulan pelanggaran akta berkenaan, sebanyak 161 kompaun telah dikeluarkan JAS Perak kepada kilang yang menjalankan aktiviti pemprosesan minyak sawit serta 47 kompaun terhadap syarikat kuari sejak tahun lalu.

Ujarnya kompaun dikeluarkan atas pelbagai kesalahan termasuk aktiviti pembuangan sisa terjadual yang gagal diuruskan dengan baik.

Dalam pada itu Rosli menjelaskan selain penguatkuasaan, JAS Perak sedang giat menjalankan pendekatan pendidikan kepada semua pemain industri berkenaan supaya mereka benar-benar memahami Akta Kualiti Alam Sekeliling 1974.

Menurut beliau antara usahanya termasuk penganjuran Simposium Kuari dan Kilang Kelapa Sawit (KKS) Lestari yang diadakan bersempena Penganugerahan Kuari dan KKS Lestari pada Sambutan HASN Peringkat Negeri di Selama pada Oktober lepas.



"Pada tahun hadapan JAS Perak akan memberi fokus kepada dua sektor lain iaitu syarikat pembuatan sarung tangan getah dan kilang-kilang batu kapur.

"Pemilihan dua industri ini adalah kerana mereka adalah antara penyumbang utama kepada ekonomi negeri dan negara, sebagaimana industri sawit.

"Selain itu sektor-sektor ini juga sering mendapat perhatian media terhadap ancaman pencemaran alam sekitar. Misalnya, antara cabaran alam sekitar yang dihadapi akibat kilang-kilang sarung tangan getah ini adalah isu penggunaan air dan pencemaran bau," katanya lagi.



DALAM NEGERI

Perak Mahu Jadi Negeri Contoh Pembangunan Industri Lestari

NASIONAL

Polis Serbu Port Dadah di Enam Kampung



Related posts



DALAM NEGERI

Logo rasmi baharu Perak
FC dimuktamadkan

DALAM NEGERI

Terima hakikat Perak juara

DALAM NEGERI

70,000 pelajar di Perak
terima telefon dan sim kad
percuma

Suara Perak

Laman Web Rasmi akhbar Suara Perak edisi rakyat.

Social Media

